



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-05-8345-107/19
Sarajevo, 15.04.2019. godine

SKUPŠTINA KANTONA SARAJEVO
-OVDJE-

Predmet: Odgovor na zastupničko pitanje zastupnika Amela Mekića, dostavlja se

Zastupnik Amel Mekić je na Šestoj radnoj sjednici Skupštine Kantona Sarajevo održanoj dana 26.03.2019. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, postavio zastupničko pitanje:

„Sadašnji Zakon o dopunskim pravima boraca diskriminira šehidsku djecu, koji nakon navršениh 25 godina gube sva prava koja su imali do navršene 25-te godine. U tom smislu ne mogu konkurisati za dodjele novčanih pozajmica za rješavanje stambenih pitanja, sufinansiranja na doktorskim studijama, za pomoći u vidu dodjele građevinskih materijala, liječenja, jednokratnih novčanih pomoći itd.“

Na postavljeno zastupničko pitanje dajemo slijedeći

ODGOVOR

Ministarstvo za boračka pitanja Kantona Sarajevo vrši upravne i stručne poslove utvrđene Ustavom, zakonom i drugim propisima u oblasti ostvarivanja prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branilaca, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, ratnih vojnih zarobljenika i demobiliziranih branilaca kao lica zaslužnih u odbrambeno-oslobodilačkom ratu sa područja Kantona Sarajevo.

U skladu sa postavljenim pitanjem obavještavamo Vas o slijedećem: Zakonom o pravima branilaca i članova njihovih porodica ("Službene novine Federacije BiH", br. 33/04, 56/05-Ispravka, 70/07, 9/10 i 90/17) uređena su osnovna prava ratnih vojnih invalida i članova njihovih porodica, članova porodica šehida, članova porodica poginulih umrlih i nestalih branilaca i demobiliziranih branilaca, lica zaslužnih u odbrambeno-oslobodilačkom ratu. Članom 19. istog Zakona propisana su prava članova porodice poginulog, umrlog i nestalog branilaca i umrlog ratnog vojnog invalida i to: porodična invalidnina, uvećana porodična invalidnina, pomoć u slučaju smrti i druga prava iz glave VI istog Zakona. Odredbama člana 20. stav 1. tačka 2. propisano je da članovi porodice poginulog,



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

umrlog i nestalog branioca, odnosno djeca rođena u braku ili van braka, usvojenici i pastorčad do navršene 15. godine života, odnosno ako su na školovanju do kraja trajanja redovnog školovanja a, a najkasnije do navršene 25. godine života, a ako su nesposobni za privređivanje - za vrijeme dok ta nesposobnost traje, pod uvjetom da je nesposobnost nastupila prije navršene 15. godine života odnosno 25. godine života, ukoliko su bila na redovnom školovanju. Dalje u istom stavu definisano je i slijedeće ako je školovanje prekinuto zbog bolesti ili službe u Oružanim snagama za vrijeme ratnog stanja, ova lica se mogu koristiti pravom na porodičnu invalidninu i za vrijeme bolovanja, odnosno službe u Oružanim snagama za vrijeme ratnog stanja i to do navršene 25. godine života, a poslije toga najviše još za onoliko vremena koliko su izgubili od redovnog školovanja, ako je redovno školovanje produženo prije navršene 25. godine života.

Članom 37. navedenog Zakona o pravima branilaca i članova njihovih porodica propisano je da prava, prema ovom Zakonu, prestaju između ostalih i licima iz člana 20. stav 1. tačka 2. kada navrše 15 godina života, odnosno 25 godina života, ako se nalaze na redovnom školovanju.

Odredbama člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12-Prečišćeni tekst, 26/14 i 46/17) propisano je da se ovim Zakonom uređuju prava, uvjeti i postupak za ostvarivanje prava, korištenje i prestanak prava, sredstva za finansiranje prava, kao i druga pitanja od značaja za ostvarivanje prava ratnih vojnih invalida i članova njihovih porodica, članova porodica šehida, članova porodica poginulih, umrlih i nestalih branioca, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, ratnih vojnih zarobljenika i demobiliziranih branilaca kao lica zaslužnih u odbrambeno-oslobodilačkom ratu sa područja Kantona Sarajevo, a u skladu sa raspoloživim budžetskim sredstvima. Članom 2. istog Zakona propisano je da se pod pojmom porodica šehida i porodica poginulog, umrlog i nestalog branioca, branilac, dobrovoljac, i organizator otpora, veteran, ratni vojni invalid, mirnodopski vojni invalid, dobitnik ratnih priznanja i odlikovanja i članova porodica poginulih, umrlih i nestalih dobitnika ratnih priznanja i odlikovanja, smatraju lica definisana čl. 2., 3. i 4. Zakona o pravima branilaca i članova njihovih porodica ("Službene novine Federacije BiH", br. 33/04, 56/05-Ispravka, 70/07, 9/10 i 90/17).

Članom 69. stav 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12-Prečišćeni tekst, 26/14 i 46/17) propisano je slijedeće: da se prava utvrđena ovim zakonom mogu koristiti dok postoje propisani uvjeti za korištenje tih prava i ne mogu se nasljeđivati, niti prenositi na druga lica, a članom 70. stav 1. da prestanak svojstva borca-branitelja BiH, ratnog vojnog invalida ili člana šehidske porodice-podrice poginulog borca i porodice umrlog ratnog vojnog invalida (korisnika prava na ličnu odnosno



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

porodičnu invalidninu) u skladu sa važećim Federalnim propisima povlači i prestanak prava utvrđenih ovim zakonom, ukoliko su ta prava ostvarena na osnovu tog svojstva.

Dopunska prava pripadnika boračke populacije propisana su članom 5. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", br. 45/12-Prečišćeni tekst, 26/14 i 46/17) i to: zdravstvena zaštita, banjsko i klimatsko liječenje (medicinska rehabilitacija), naknada putnih troškova i troškova liječenja u inostranstvu, prava po osnovu preostale radne sposobnosti, prioritet u zapošljavanju, novčana pozajmica za otvaranje radnih mjesta, prvenstvo upisa u obrazovne ustanove i besplatno školovanje, stipendiranje, uklanjanje arhitektonsko-urbanističkih barijera za ulazak i korištenje stana u invalidskim kolicima, oslobađanje obaveze plaćanja naknade za pogodnost, oslobađanje obaveze plaćanje naknade za dodijeljeno gradsko građevinsko zemljište i naknade za uređenja građevinskog zemljišta, pravo na izgradnju stana, novčana pozajmica i dodjela sredstava za rješavanje stambenih potreba, dodjela sredstava za održivi povratak, pravo na stan u vlasništvo ili dodjelu stana na korištenje, besplatna i povlaštena vožnja, naknada toškova dženaze-sahrane, podizanje nišana-nadgrobnog spomenika, pravo na mjesečna novčana primanja, prednost pri zakupu i otkupu poslovnog prostora pod jednakim uvjetima, pravo na besplatne obavezne udžbenike za redovno školovanje, školski pribor i užinu, prednost pri smještaju u đačke i studentske domove, prednost pri korištenju programa nadležnih zavoda za zapošljavanje, prioritarno pravo za rješavanje stambenog pitanja pod jednakim uvjetima, pravo na besplatni priključak na infrastrukturne mreže (voda, električna energija, gas), pravo na dodjelu jednokratne novčane pomoći, pravo na obezbjeđenje ogrjeva, pravo na dječiji dodatak, pravo dobitnika ratnih priznanja i odlikovanja na obavještanje o smrti putem javnih medija, organiziranje ukopa-sahrane uz državne počasti i pravo na ukopno mjesto na lokacijama zaslužnih ličnosti.

Po pitanju navedenih dopunskih prava djeci šehida kada navrše 15 godina života, odnosno 25 godina života, ističemo slijedeće:

- ovo ministarstvo izdaje preporuke u ostvarivanju prava na prioritetno zapošljavanje,
- djeca šehida poginulog borca-branitelja bez oba roditelja za vrijeme nezaposlenosti do zasnivanja radnog odnosa a najduže do dvije godine nakon završetka redovnog školovanja u skladu sa članom 37. stav 3. federalnog zakona, ostvaruju pravo na mjesečna novčana primanja,
- imaju prednost pri korištenju programa nadležnih zavoda za zapošljavanje,
- pravo na izgradnju stana putem Fonda Kantona Sarajevo osnovanog za rješavanje stambenih potreba za članove porodica šehida i poginulih boraca, ratne vojne invalide i demobilizirane borce (ovo pravo se realizira uz lično učešće od 20% a ostatak iznosa na 80 jednakih mjesečnih rata bez kamata).



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1





Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Ovom prilikom također ističemo da je određen broj djece šehida, kao članova porodica pripadnika boračke populacije - supruga šehida, obuhvaćeno u dodjeli stana u vlasništvo ili dodjeli na korištenje, da određena prava kao što su pravo na banjsko i klimatsko liječenje, pravo na naknadu putnih troškova i troškova liječenja u inostranstvu, kao i pravo na školovanje-doškolovavanje djece šehida koji su navršili 15 odnosno 25 godina života, ovo ministarstvo podržava i u izuzetnim slučajevima (socijalni status ili teška bolest djece šehida) realizira preko posrednika najčešće majke.

Na osnovu svega naprijed navedenog proizilazi činjenica da su osnovna prava pripadnika boračke populacije pa samim tim i prava djece šehida uređena Zakonom o pravima branilaca i članova njihovih porodica ("Službene novine Federacije BiH", br. 33/04, 56/05-Ispravka, 70/07, 9/10 i 90/17) a imajući u vidu činjenicu da je u konkretnom slučaju riječ o dopunskim pravima pripadnika boračke populacije, ističemo da ovo ministarstvo na ostvarivanje tih prava ne može uticati bez promjene Zakona kojim se uređuju osnovna prava.

S poštovanjem,



Dostaviti:

- Predsjedavajućem Skupštine Kantona Sarajevo,
- Sekretaru Skupštine Kantona Sarajevo,
- Sekretaru Vlade Kantona Sarajevo,
- A/a.

